

مونودراما (الأوضة)

تأليف / إيهاب يونس
أداء / هيثم الشيتاني - إبراهيم محمد إبراهيم
إشراف فني / فaten أحمد جاويش
إعداد موسيقي و إخراج / المعتصم بالله جاويش

(المسرح مظلم تماما .. موسيقى تصويرية تتسم بالغموض ثم يضيئ المسرح على غرفة غير محددة المعالم بها باب واحد ناحية اليمين .. بعض الأشكال البارزة من الجدران .. كرسيان .. يفتح الباب فيدخل الممثل 2 مدفوعا به من الخارج على الأرض .. ثم بعد فترة صغيرة يدخل الممثل 1 مدفوعا به هو الآخر من الباب يتفاجئ كل منهما الآخر ثم يبدأ الحديث)

ممثل 2 : ايه

ممثل 1 : ايه

ممثل 2 : انا اللي ايه ؟

ممثل 1 : امال انا اللي ايه ؟

ممثل 2 : مين ؟

ممثل 1 : مين ؟!

ممثل 2 : انا اللي مين ؟

ممثل 1 : طبعا مش كنت انا اللي ايه .. يبقى انت اللي مين ؟

ممثل 2 : طب فين ؟

ممثل 1 : فين ؟

ممثل 2 : ماتقوليش انا اللي فين ؟!! .. علشان انا مش عارف انا فين

ممثل 1 : طب انت عارف انا فين ؟

ممثل 2 : شوف .. اول ما اعرف انا فين .. هاعرف على طول انت فين

ممثل 1 : مساء الخير

ممثل 2 : مساء النور

ممثل 1 : انا انا انا ..

ممثل 2 : وانا انا انا ..

ممثل 1 : ايه ده بجد ؟! .. يعني احنا الاتنين انا ..

ممثل 2 : بالحضن

ممثل 1 : معقول ؟!! .. انا ازاى لحد دلوقتي ما اتعرفتش عليك

ممثل 2 : وانا ازاى لحد دلوقتي ما .. ما .. ما ..

ممثل 1 : ايه مالك ؟

ممثل 2 : ما .. ما .. ما ..

ممثل 1 : طب بطل ودور تاني كده

ممثل 2 : ما .. ما .. ما ..
 ممثل 1 : اتكلم ماتخافش
 ممثل 2 : لأ .. انا مش هاتكلم .. ده مش وقت الكلام
 ممثل 1 : ازاي بس ؟ .. انت مش شايف ؟ .. افهم من كده بقى انك خايف ؟
 ممثل 2 : ما .. ما .. ما ..
 ممثل 1 : تاني ؟؟؟
 ممثل 2 : ماتقولش خايف .. انت ما تعرفش انا مين ولا ايه ؟
 ممثل 1 : عرفني يا سيدي
 ممثل 2 : لأ .. مش وقته
 ممثل 1 : يووه .. هاتفضل تقول مش وقته مش وقته لحد اما الوقت يعدي
 ممثل 2 : برضو مش وقته
 ممثل 1 : انت ازاي كده ؟ .. يوووه .. انا حاسس اني هاتخنى هنا
 ممثل 2 : وانا كمان .. حاسس اني هاتخنى .. بس هاستنى اعرف
 ممثل 1 : ماحدش هيقولك
 ممثل 2 : لأ حايقولولي
 ممثل 1 : هما مين ؟؟
 ممثل 2 : مش عارف
 ممثل 1 : انت مش انسان حر ؟؟
 ممثل 2 : انا حر طبعاً
 ممثل 1 : طيب ليه راضي انك تكون هنا ؟
 ممثل 2 : هو احنا فين ؟؟ .. دي اوضة ؟؟
 ممثل 1 : لا .. بيتيالي احنا في قصر
 ممثل 2 : لا لا لا .. احنا في بيت
 ممثل 1 : استنى كده .. احنا .. احنا في زنزانه
 ممثل 2 : زنزانه ؟؟ .. يا نهار اسود .. ليه انا عملت ايه ؟؟ .. ده انا
 ممثل 1 : ايوه انت ايه ؟
 ممثل 2 : وانت ايه ؟؟
 ممثل 1 : طب انت كنت فين ؟
 ممثل 2 : انا .. انا كنت مستنيها .. يااااااااااااااااا .. ده انا مستنيكي من زمان قوي يجي من 7000 سنة .. من عهد مينا واخناون وامنحتب .. من اول ما قالولي إقرا في الكتب .. ولسه ماجيتيش ... ليه ؟؟ .. ده انا ظهري انحنى كتير قوي وانا واقف مستنيكي تبصيلي من الشباك .. املئ يومي بالتفاؤل من نظرة من عنيني .. تضحلكي حياتي لما تبسمي .. ياما شفتك وانت شقيانة .. وياما شفتك تعبانة .. بس برضو فيكي حاجة عجيبة .. مغلبناني .. كل ما اقول مش طايقك .. مش عايزك .. مش شايفك .. ألاقي نظرة ماشوفتهاش عند حد تاني .. ارجع ف كلامي واقول .. اصبر يا واد .. بكرة تنول الرضا .. وتضحلك .. بس انا تعبت .. و الله تعبت ماعدتش قادر .. بس مضطر استنى .. عرفت انا كنت فين ؟ .. انا كنت مستني .. انت بقى كنت فين ؟

ممثل 1 : انا .. مش فاكِر .. انا كنت في حَتَّت كَتِير قَوِي .. اه والله .. وده لأنِّي مش زِيك .. انا مش باقِدر
استنِّي كَتِير .. انا طَير .. انا بحارب علشان تجيلي .. لأنِّي لو وقفت مستني .. عمرها ما هاتيحي ابدًا ..
انا كنت في حالي و راضي .. بس لقيتها بتبعد عني اَكتر .. كل ما اقول بكرة .. أَلَقِيها بتبعد .. انا كنت
في الشوارع .. انا كنت في المدارس .. انا كنت في الاستاد .. انا كنت في المسرح .. انا كنت في
الميدان .. انا كنت باحلم ابقى الفارس .. بس وقعت على جدور رقبتني .. عرفت بقی انا كنت فين ؟
ممثل 2 : هو انت بقی اللي كنت بتعاكسها ؟

ممثل 1 : انا بحبها

ممثل 2 : وانا بحبها من قبلك

ممثل 1 : هو اللي يسبق ولا ايه ؟

ممثل 2 : اه طبعاً

ممثل 1 : طب تسابقتني ؟

ممثل 2 : ايوة .. نتسابق

(دراما حركية بين الممثلين لسباق .. بالتصوير البطيء .. مع ظهور بعض الصراعات التي يواجهها
الإنسان في الحياة .. على موسيقى تصويرية تنتهي بسقوطهم على الأرض)

ممثل 2 : عارف احنا فين ؟

ممثل 1 : فين ؟

ممثل 2 : احنا جواها .. احنا تحت سماها

ممثل 1 : (ساخرا) قصدك تحت سقفها

ممثل 2 : اهي فلسفتك دي هي اللي مودياك في داهية

ممثل 1 : يا اخي بص حواليك .. شايف ايه دول ؟ .. دول 4 حيطان

ممثل 2 : هما صحيح 4 حيطان .. بس بالنسبالي .. أرضي و عمري و أحلى سنين زمان .. تخيل كده معايا

.. السقف ده سما .. والجدران دي شوارع .. والباب ده

ممثل 1 : (مقاطعا) الباب ؟! .. مش هو ده الباب اللي اتحدفنا منه هنا ؟

ممثل 2 : اه هو .. بتفكر ف ايه ؟

ممثل 1 : افتحه طبعاً

ممثل 2 : انت مجنون ؟

ممثل 1 : هو عشان عاوز ابقى حر .. ابقى مجنون ؟

ممثل 2 : اللي بتعمله ده تهور مش حرية

ممثل 1 : الحرية بيبقى ليها تمن .. و انا مش هاستني هنا كَتِير

ممثل 2 : اصبر طيب .. يمكن يجيلنا حد يفهمنا احنا هنا ليه و بنعمل ايه

ممثل 1 : على ما يبجي نكون متنا

ممثل 2 : يا اخي خليك متفائل .. ان شاء الله مش هانموت

ممثل 1 : سيبني بقی

ممثل 2 : هو انت فاكِر ان انا ضدك ؟ .. انا كمان عاوز اخرج من هنا

ممثل 1 : مش باين يعني

ممثل 2 : و الله عاوز اخرج قبلك .. بس بالعقل يعني .. طالما الفترة دي تقتضي اننا نبقي هنا .. يبقى نكون هنا ونستنى لحد ما نشوف اللي هياحصل ؟

ممثل 1 : انت خايف على نفسك ؟

ممثل 2 : آمال خايف على نفسك ؟

ممثل 1 : العمر واحد والرب واحد

ممثل 2 : ايه ؟؟ خلاص حنموت ؟؟

ممثل 1 : واضح .. واضح إن مصيرنا واحد

ممثل 2 : احنا مشاكلنا من قديم الأزل .. لحد دلوقتي مانتهتش .. و مش هاتنتهي

ممثل 1 : هاتنتهي .. لو احنا قررنا نهيها .. و حطينا ايدينا في ايد بعض

ممثل : بس .. ما .. ما .. ما ..

ممثل 1 : يا دي النيلة رجعنا للمأمأه تاني .. فيه ايه ؟

ممثل 2 : يا عم انا قلقان من الباب ده .. ده كأنه باب جهنم

ممثل 1 : طيب بص .. انا هامشي على كلامك .. و هاخليني هنا ومش هاحاول افتح الباب .. و اتخيل ان

الحيطان شوارع .. و إن السقف سما .. ونحاول نشوف حل للأوضة دي .. يمكن نخليها أحلى

ممثل 2 : انا موافق

ممثل 1 : (يضع يده على شعر ممثل 2) طيب كلمني عن نفسك شوية

ممثل 2 : لأ

ممثل 1 : ايه ؟؟

ممثل 2 : لا لا لا لا .. انت فهمتي غلط

ممثل 1 : ايه يا عم فيه ايه ؟؟

ممثل 2 : مش انا خالص بتاع الكلام ده ... و لا عشان احنا لوحدينا و شايفني متمسك بالأوضة .. فتنتهزها

فرصة .. لاا .. ده انا صايع يالا

ممثل 1 : يا جدع انت .. انت فهمت ايه ؟ .. انا اقصد كلمني عن مشكلة من مشاكلك اللي بتواجهها علشان

نفكر نلاقيها حل بدل ما احنا قاعدين كده مابنعملش حاجة

ممثل 2 : اه .. طيب .. انا مشكلتي بدأت من و انا صغير .. اتربيت على عادات و تقاليد في البيت والمدرسة

.. المدرسة ... أاه .. المدرسة و نظام التعليم .. و المدرسين .. و الطلبة

(يتجه الممثل 1 ليتقمص دور المدرس)

مدرس : يلا يابني على فصلك .. انت مش سمعت الجرس بيضرب

الطالب : ايوه يا استاذ سمعته

مدرس : طب مستني ايه .. ولا عاوزين اليوم كله فسحة ؟ .. يلا امشي انجر على فصلك .. جيل بايظ

الممثل 2 : كنا بنبقى مرعوبين من الأستاذ علشان مايضربناش .. المدرسة بالنسبة لي كانت زي الأوضة

دي .. حيطان وبس .. بس برضه كنت مضطر استنى فيها .. لحد ما تنتهي فترة الدراسة .. الحاجات

الحلوة كانت

قليلة قوي .. يعني مثلا حصة الموسيقى .. حصة الألعاب .. و مس نرمين .. مس نرمين

ميس نرمين : جود مورنينج يا بويز

الطالب : يا صباح المانجا بالآيس كريم اللي عليه قشطة بالمكسرات

ميس نرمىڻ : (تضحڪ بآئوٿه) ها ها هاهاهاهاهي

الطالب : مدرستي جميلة نظيفة ومتطورة

میس نرمین : خلاص .. یلا بقی سیت داون علشان نبدا الحصه

الطالب : (يرمي المسطرة على الأرض ويجيبها وهو ينظر إلى جيبة مس نرمين)

میس نرمن : ہا ہ یا ولاد .. دہ لونہ اہ ؟

الطالب : هو احمر و ضيق شوية

میس نزمین : طب اطلع بره الفصل یا أمور .. جیل بایظ

الممثل 2 : الحقيقة أنا ماكنش بافهم حاجة من مدرسين المدرسة .. شايفهم مقصرين في حقنا كطلبة ..

سنة عن سنة كرهت المدرسة أكثر .. حسيت انها بتضيق عليا .. الصورة اللي مترسخة في دماغي

هي صوت الناظر المرعب في الحوش .. العيال اللي بيشرّبوا سجائر في الحمامات .. و مستر الكومي

.. نجم التعليم والإيقاع السليم

مستر الكومي : صباح الخير يا ولاد .. مالكم كده مكشرين ليه ؟ .. لا لا لا .. انا عاوزكم تصحصحوا معيا ..

تامر.. مالك يا حبيبي وشك أصفر ليه ؟ .. انت ما فطرتش ؟؟ .. ما شربتش النسكافيه ثلاثة ف واحد

الصبح ولا ايه ؟ .. بصوا يا حبايبي .. بمنتهى الصراحة والشفافية والجمال اللي متعودين عليها مع

بعض .. انا مش هاشرح حاجه في المدرسة .. علشان هنا ماباخدش فلوس كثير .. انتم تجولي السنتر

بِاللَّيْلِ وَاقْسَمُ بِاللَّهِ .. لِأَخْلِيكُوا تَحْفَظُوا الْمَنْهَجَ صَم

الطالب : الله عليك يا استاذ

(ايقاع يغنى عليه مستر الكومي مع الطالب)

مستر الكومي : اصحي معايا حانشرح ايه

الطالب : حانشرح ايه حانشرح ايه

مستر الكومى : مينا وحد

الطالب : القطرين

مستر الكومى : مينا وحد

الطالب : القطرين

مستر الكومي : يلا نصصح يلا نفوق .. ملك مصر

الطالب : كان اسمه فاروق

مستر الكومي : ملك مصر

الطالب : كان اسمه فاروق

مستتر الكومي : مصر دائما كانت مطمع للغزاه ... كله يبجي ويخرج واخذ على قفاه .. يخرج واخذ

الطالب : على قفاه

مستتر الكومي : يخرج واخذ

الطالب على قفاه

مستتر الكومي : اول ما اخلص الوصلة .. قصدي الحصة .. الفلوس تندفع بره .. الفلوس

الطالب : تدفع بره

مستر الكومي : الفلوس

الطالب : تندفع بره

(يتصاعد الإيقاع فوق غناء المدرس والطالب فيما يبدأ الممثلين في الحديث للجمهور)

ممثـل 2 : هو انا لو مش معايا فلوس اخد دروس .. يبقى كده هالوص ؟

ممثـل 1 : هو انا في المدرسة لو شرحت .. وطلع عيني واتفحتت .. و شرحت صبح بدل بالليل .. خلاص هاطلع زويل ؟

ممثـل 2 : انا من حقي اتعلم

ممثـل 1 : وانا نفسي اتكلم .. انا لو اعتمدت على المرتب مش هاعيش .. انا من ناحية التقدير مفيش .. انا المدرس .. انا المفلس .. انا في الفصل لازم اغلس .. انا في السنتر شخص تاني .. انا غير المدرس الأولاني .. انا مش باسرق ولا ده عيب .. لكن انا ماعرفش الغيب .. انا عاوز اضمن مستقبل عيالي .. انا عارف ان التمن غالي .. بس مش بإيدي

ممثـل 2 : وانا ذنبي ايه ؟ .. ادينا اتقابلنا في مكان ماعرفش انا فيه ليه .. انت كنت السبب .. حفظتني التاريخ من غير ما افهمه .. شاورتلي على الخريطة و قولتلي دي الجغرافيا ... قولتلي إيطاليا شبه الجزمة و ماشاورتليش ع الحافية .. اجمع اطرح اقسم اضرب .. ذاكر احسن تسقط .. مش عاوز اسمع نفس .. استندعولي ولي أمره .. لازم تجيب مجموع .. احسن تموت م الجوع .. انا جبت مجموع .. وبرضو بموت م الجوع .. انا عملت كل اللي قولتولي عليه .. طب بقيت كده ليه ؟؟

ممثـل 1 : شوفت بقى اننا ملناش مكان هنا

ممثـل 2 : ايوه صح .. انا الزم اخد موقف .. انا حاقولها بعلو حسي

(تعلقو الموسيقى فوق صوت الممثلين .. تدخل يد تشاور على الممثل 1)

ممثـل 1 : (في رعب) على فكرة .. انا انسان حر في مكان حر .. و انا حر في اني اعبر عن رأيي بكل حرية .. مع كامل الإحترام لحضرتك طبعاً .. بس احنا ما غلطناش في حد .. احنا كنا بنعبر عن ... (تعلقو الموسيقى و تشير اليد بعصبية إليه) حاضر حاضر من غير زعل .. انا بس احتراما للقواعد والقوانين .. هاديها لك .. لكن غير كده .. اقسم بالله .. كنت حاديها لك برضو

ممثـل 2 : (تشير اليد إليه) بكل سرور يافندم .. انا أصلاً كنت زهقان و جايلك من نفسي

(تخرج اليد .. ثم بلاك و تفتح الإضاءة على الممثلين و هما جالسين على الكرسي في المنتصف بجوار بعضهما البعض ينظران إلى بعض ويبدأ الحوار)

الممـثـل 2 : انت السبب على فكرة .. قعدت تسخن فيها .. لحد ما اتنفخنا .. آاه وشي ورم

الممـثـل 1 : باقولك ايه .. انت هاتوجع دماغي ليه ؟ .. ما انا كمان واشي وارم

الممـثـل 2 : (ينظر إليه ثم ينفجر في الضحك) كل اما افكر شكلك وانت عمال تقول انا حر و اقول اللي انا عاوزه .. و ف الآخر اتنفخت .. اموت من الضحك

[illegible]

(تعلقو الموسيقى .. بلاك .. ثم يضيئ المسرح على المذيع ايمن الكاشف الذي يقدم مباراة الأهلي و الزمالك)

المذيع : بسم الله الرحمن الرحيم .. السادة مشاهدي قنواتنا المفضلة لديكم .. ننقل لكم مباراة القمة بين فريقى الأهلي و الزمالك .. و زي ما حضراتكم شايفين .. جمهور نادي الزمالك في مدرجات الدرجة الثالثة يمين بتيشيرتاته البيضاء وتشجيعه لفريقه .. زئير في الملعب

الممثل 1 : يا باشا .. ايه لازمة التفتيش ؟ .. هو انا داخل أفجر الملعب ؟ .. انا داخل اشجع .. طب بالراحة طيب .. طب يا باشا انا مش حاتفتش

الممثل 2 : يا نهار ابيض .. اه منكم .. ياللي حارمينا منكم .. ليه يا حبيبي مش عاوز تتفتش ؟ .. انت اكبر من القانون ؟ .. عارف انا لولا البرنامج بتاعي بيخلص 3 الفجر انا كنت عملت لك حلقة كاملة .. قال مش عايز يتفتش قال .. فتشني فتش

المذيع : نعود مرة اخرى لأجواء المباراة .. وننتقل بالكاميرات إلى مدرجات الدرجة الثالثة شمال .. علشان نشوف جماهير النادي الأهلي بالتشيرتات الحمراء .. زئير في الملعب

الممثل 1 و 2 : افتحوا الباب .. احنا بنموت .. حرام عليكم

الممثل 1 : الكورة

الممثل 2 : اتنفخت لحد ما فرقعت

الممثل 1 : الملعب بقى احمر

الممثل 2 : الجماهير

الممثل 1 : ماتشجوعش

الممثل 2 : الحكم

الممثل 1 : مايحكمش

الممثل 2 : الإعلام

الممثل 1 : يعلم .. بس ما بيتعلمش

الممثل 2 : الكورة للجماهير

الممثل 1 : ليه رايح اشجع فرقتي .. ارجع امي تشوف جثتي ؟ .. هو انا سبب كارثتي ؟ .. ولا انتوا غيرتوا الاسم ؟ .. مش هي دي برضه الكورة بتاعة الخطيب الأسطورة و شحاتة المعلم .. ولا انتو قلبتوا الصورة ؟ .. ليه صوتنا رايح م الملعب ؟ .. ولعيبة مش عارفه تلعب ؟ .. ماترحموننا بقى شوية .. عاوزينها كده زى ما هي .. من غير ماتضيفوا حاجة عليها .. احسن ما تحصل حاجة تانية

الممثل 1 : احنا لازم نرجع نشجع فرقتنا
 الممثل 2 : لازم المدرجات تسمع صوتنا
 الممثل 1 : لازم نرجع نقول مصر زي زمان
 الممثل 2 : لازم صوتنا يوصل لكل مكان

الممثل 2 : انا يا فندم؟؟ .. نعم أوَمِريني حضرتك .. لا .. مافيش قلق ولا حاجة .. دي كانت شدة ملعب كده .. و اعتذرنا للحكم و بكرة هاتبعت اعتذار رسمي لاتحاد الكورة .. (تقاطعة اليد وتطلب منه ان يخلع الملابس) اه .. طبعا طبعا .. دي الروح الرياضية المتعارف عليها في انحاء العالم كله .. هو تبديل التيشيرتات بعد كل مباراة .. (لـ الممثل 1) خلاص ماتقلقش .. دورك

الممثل 1 : هاه .. قولی بقي ان انا السبب برضه

الممثل 1 : نظر شق ؟ .. جبتها منين دي ؟؟ .. عموما انا مش هاسيب الأوضة دي غير لما اغيرها للأحسن .. اخليها زي ما انا عايز لأنى قاعد فيها

الممثل 2 : فيها حاجة حلوة

الممثل 1 : صدقتی .. لو ما عملناش كده مافيش حاجه هاتتغير

الممثل 2 : وليه بس يا ابن الناس ؟ .. اديك جربت تغير .. اتغيرلك هدومك كلها .. ادي النتيجة .. بص تعالى نسمع شوية مزيكا هادية يمكن نتام .. قصدي تهدى شوية عن افكارك دي

الممثل 1 : مزیکا ؟... هي فين المزیکا دي .. ادیک کل یوم بتسمع هبد و رزع .. هو عاد فيه فن .. دي بقت کلها مهرجانات

(أغنية مهرجانات يرقص عليها الممثلين الشين)

بـ

(الممثل 2 يتقمص دور منتج)

الممثل 2 : برافو يا ابني .. انت هائل .. انت عبقرى .. انت صوتك مالوش تاني ولا تالت ولا أي كلب يعرف يقول اللي بتقوله ده .. انا هاعلمكم اليوم .. لا و كمان بطولة الفيلم الجديد اللي فيه بيومي فؤاد
الممثل 1 : مشكرين أريس .. بس عاوزينك ترسينا على السوبيج أناس علشان ورانا ناس
الممثل 2 : ولد انت مش واثق فيا
الممثل 1 : ثقة في الله نجاح

(الممثل 1 يتقمص دور مخرج)

الممثل 2 : مساء الخير .. انا ممثل يا فندم ومحتاج فرصة .. ممكن حضرتك تديني الفرصة ؟
الممثل 1 : انت يا ابني النجم اللي جاي .. انت حاتبقى حاجه مهمة
الممثل 2 : ايوه ايوه .. حضرتك قولت نفس الكلام ده لزميلي من شوية
الممثل 1 : لا لا .. خلي بالك .. ده مش بيحبك .. علشان انت لما لعبت جيم بقيت احسن منه
الممثل 2 : يا فندم ..
الممثل 1 : لحظة واحدة .. (يتصل بالتليفون) .. ألو أيوه يا حبيبي .. باعت لك بقى هدية .. النجم اللي جاي .. اه طبعاً .. حاكون عندك
الممثل 2 : انا مش عارف اقول لحضرتك ايه و الله
الممثل 1 : ما تقولش يا حبيبي .. انتم أولادي
الممثل 2 : اطلع من مكتب على كاستنج و إلخ .. إلخ .. من منتج تافه على مخرج وبيطلع فخ .. والفن يشيلني ويهدني طاخ طوخ طيخ طخ
الممثل 2 و 1 : طاخ طوخ طيخ طخ .. طاخ طوخ طيخ طخ
الممثل 1 : مبسوطة يما نقابة
الممثل 2 : مبسوط يا بابا فن
(تعلقو الموسيقى .. فوق صوتهم .. حتى ينتقلوا لتجسيد مشاهد سريعة)

الممثل 2 : مساء الخير يا عمي
الممثل 1 : مساء النور يا ابني
الممثل 2 : انا جاي اتقدم لبنتك
الممثل 1 : وحضرتك بتشتغل ايه ؟
الممثل 2 : ممثل
الممثل 1 : فعلاً؟؟ .. مايصحش تكون ممثل وماتوريناش حته
الممثل 2 : حته؟! .. طب ممكن ثواني .. (متحدثاً في التليفون) ازيك .. وحشتيني قوي .. ايه ؟ .. اعمل ايه بس ما هو اللي مش عارف اني مش هاعرف اشتغل حاجه تانية غير التمثيل وباباكي بيقولي وريني حته .. لا لا لا .. معقول .. اوريله ايه بس ؟ .. هو انا اراجوز؟؟ ولا هادوس على زرار امثل له ؟ .. ارحموني بقى .. هو انا كل ما ارواح مكان يقولولي مثل حته .. والمكان اللي المفروض امثل فيه .. مش بامثل ... طب و الله المثل

(مونولوج مشترك)

الممثل 1 : انا الفنان .. انا الإنسان .. انا موجود في كل مكان وفي كل زمان .. ايه .. مالكم ؟ .. مش شايفيني ليه ؟؟ .. لازم ابقى نجم يعني علشان تفهموني ؟ .. طب ما تعلموني .. نوروني .. طوروني
الممثل 2 : انا الموهوب .. انا المغلوب .. انا المقلوب .. انا اللي كنت محبوب .. بس خلاص .. راحت مني .. علشان تكونوا اكثر فاهميني .. انا اللي اخدت جائزة احسن ممثل في المهرجان

الممثل 1 : جائزة احسن ممثل ف البرلمان

الممثل 2 : جاوية احسن ممثل ف اليونان

الممثل 1 : جائزة احسن ممثل ف كل مكان

الممثل 2 : هما راحو فين ؟

الممثل 1 : ماتقلفش .. هايفتكروننا .. و هايكرمونا .. لما نموت

الممثل 2 : حايططوا بوست بأسامينا على الفيس بوك

الممثل 1 : و الشارة السودا فوق صورنا

الممثل 1 : لو رحل عنا بجسده .. ف أعماله الجميلة باقية لنا

الممثل 2 : جائزة احسن ممثل في المهرجان

الممثل 1 : جائزة احسن ممثل في البرلمان

(يكرروا الجمل وهم يبكوا .. في اللحظة التي تدخل فيها اليد و ينتهي بهم الحال في الأرض في انتظار الجديد)

بـلاك

النهاية